



CUMÙNI DI
LUNGÒNI

Festa di la Repubblica

La dì 2 di Làmpata di lu 1946
La dì 2 di Làmpata di lu 2024



REGIONI AUTONOMA DI LA SARDIGNA
REGIONE AUTÒNOMA DE SARDIGNA
REGIONE AUTONOMA DELLA SARDEGNA

Progèttu "PA' LI MANNI E PA' LI STÉDDHI" – Annualitài 2023


Finanziàtu da la Legghji 482 di lu 1999, Altìcculi 9 e 15 e Legghji Regionali 22 di lu 2018

La dì dui di Lämpata

Chist'annu sò settantòtt'anni chi aèmu la Repubblica com'e fòlma di governu.

La dì dui di Lämpata s'affistigghja dugn'annu la ciurràta di La Repubblica Italiana.

Chista ciurràta è stata sciuarata pa' ammintà lu Referendum fattu illu mési di Lämpata di lu 1946 (lu primmu cun "Suffragio Universale"), undi la magghjuria di l'ittaliani d'iccidisini chi vuliani la Repubblica e chi no vuliani più lu Re, dapói d'ottantacinò'anni di Monarchia e piùeppiù dapói di l'ultimi 'int'anni cu' lu duminiu fascista!



Una ciurràta abbèddhu 'mpultànti candu
l'Ittàlia à sciaràtu di divintà Repubblica
Costituzionàli e di no vulé più èsse
cumandàta da la Famìlia Savoia.
L'Ittaliàni àni deccìsu di 'mpacchjassi in
primma passòna di lu bè pùbblicu.



La Costituzioni Italiana

La Costituzioni Italiana, chi no sèmpri cunniscìmu bè, è lu documèntu principali di la nostra Repubblica Parlamentari;
è l'orìgghjini di lu Drittu da undi dipèndini tutti l'alti réguli di la ghjustizia e di l'oldinamèntu di lu Statu. Vi sò vulùti dui anni pa' scriìlla tutta, da lu '46, finz'a la primma dì di Ghjinnagghju di lu 1948.
Li "Padri Costituènti" sò stati 556 e infrà di chisti umbè d'autoritài politici chi àni sigùtu la 'ita politica di chissi tèmpi.

La Costituzioni italiana è un documèntu chi umbè di pòppuli sò ghjilósi e noi doarìami cunniscilla più bè e piddhàlla a esempiu abbèddhu di piùni.



L'affistamenti di la dì dui di Làmpata...

Illa Ciurràta chi ammenta cand'è nata la nostra
Repubblica, si fàci una fèsta manna in Roma.



Altari di la Patria

A matina si pòlta una curòna di laru a la tumba di lu Milite Ignotu; tumba chi è un signàli di tutti li chi sò mòlti ghirrèndi in ghèrra.



Li Fricci Triculòri

Li chi àni li 'ngarrighi più 'mpulanti di lu Statu, póni figghjulà li Fricci Triculóri.

*Fonte delle foto:
Canva e

https://it.wikipedia.org/wiki/Alte_cariche_dello_Stato_della_Repubblica_Italiana



Li cialdini di lu Quirinali

A sirintina in chista ciurràta di festa, si póni 'isittà li cialdini di lu palazzu di lu Quirinali, undi stà lu nòstru Presidènti Mattarella e si póni intindé diffarènti concerti: di l'Esercito, di la Marina Militari, di l'Aeronautica, di l'alma di li Carabbinéri e altu...

Li 'ngarrighi più 'mpulanti di la Repubblica Italiana



Sergio Mattarella

Presidènti di la
Repubblica



Ignazio La Russa

Presidènti di lu Senatu di
la Repubblica




Attilio Fontana

Presidènti di la
Camera di li Deputati

Giorgia Meloni

Presidènti di lu
Consigliu di li Ministri



Augusto Barbera

Presidènti di la Corti
Costituzionali

*Fonte delle foto:

https://it.wikipedia.org/wiki/Alte_cariche_dello_Stato_della_Repubblica_Italiana



Li Frècci Triculóri

Chista pattuglia acrobatica è nata illu 1961, è fulmata da déci piloti di l'Aeronautica Italiana chi ghjócani illu céli lassèndi scii di tre culóri.

Lu programma di bólu è di 30 minuti. Sò mintuàti pa' esse infra di li mèddhu chi vi sò illu mundu.



Fonte stemma Frecce Tricolori:
https://it.wikipedia.org/wiki/Frecce_Tricolori

L'Innu di Mameli

L'innu di Mameli, chjamàtu puru *Lu Cantu di l'Italiani*, è statu scrìttu illu 1847 da Goffredo Mameli, candu iddhu aia vint'anni; la musica è di Michele Novaro.

Mameli murì illu 1849 ghirrèndi pa' la Repubblica Romana, contr'a li Francèsi.

Chista canzona si 'mpàra inn'iscòla da lu 2012 palchì cussì à vulùtu lu Parlamèntu,

parò è divintàta Innu ufficiàli di la Repubblica Italiana sòlu illu 2017.

Li paràuli faèddhani di tutti li 'òlti chi l'Italia è stata aunita e ci à bucàtu l'oppressòri angènu



Copertina dell'edizione del 1860 del 'Canto degli Italiani' stampata da Tito Ricordi

*Fonte delle foto:

<https://www.ilmioprimoquotidiano.it/inno-di-mameli-spiegato-ai-ragazzi/>
https://www.storicang.it/a/goffredo-mameli-il-poeta-che-sogno-litalia-unita_16643
https://it.wikipedia.org/wiki/Il_Canto_degli_Italiani#Il_testo



Lu cantu di l'Italiani

Strofa 1

«Fratelli d'Italia,
l'Italia s'è desta,
dell'elmo di Scipio
s'è cinta la testa.
Dov'è la vittoria?!
Le porga la chioma,
ché schiava di Roma
Iddio la creò.»

Italiani! Sèmu tutti fratédghi.
Lu nòstru Paési s'è sciutàtu e
s'à pòstu in càpu l'èlmu di
Scipioni l'Africànu, lu
cumandanti romànu chi à
vintu Cartagine. Sèmu
distinàti a vincì palchì sèmu
l'erèdi di Roma antica chi à
sèmpri 'intu.

«Stringiamci a coorte,
siam pronti alla morte,
siam pronti alla morte,
l'Italia chiamò.»

Strofa 2

«Noi siamo da secoli
calpesti, derisi
perché non siam Popolo,
perché siam divisi:
raccolgaci un'unica
bandiera, una speme:
di fonderci insieme
già l'ora suonò.»

Sò' sècculi chi l'alti naziòni si
bèffani di nòi palchì no sèmu
aunìti. Punìmuci insèmbi
sutt'a un'unica bandéra e
un'unica spirànzia. È arriàtu
lu mumèntu di fàllu.

Aunìmuci com'e suldati,
pronti puru a murì pa' l'Italia.

Strofa 3

«Uniamoci, amiamoci,
l'unione e l'amore
rivelano ai popoli
le vie del Signore;
giuriamo far libero
il suolo natio:
uniti per Dio,
chi vincer ci può!?»

Aunìmuci e 'ulèmuci bè cussi
Dèu ci darà la só' binidiziòni.
Ghjurèmu di libbarà lu Paési
undi sèmu nati. Siddhu ci
punìmu appàru in nòmmu di
Dèu, ca' ci podarà vincì?

Ritornello

Strofa 4

«Dall'Alpi a Sicilia
dovunque è Legnano,
ogn'uom di Ferruccio
ha il core, ha la mano,
i bimbi d'Italia
si chiaman Balilla,
il suon d'ogni squilla
i Vespri suonò.»

Da l' Alpi a la Sicilia è viù l'ammèntu di la battaddha di Legnanu di lu 1176 undi, li citàì lumbàldi aunìti inn'una confederaziòni, aiani 'intu l'imperadóri Federico Barbarossa. Dugna italiànu à lu curàgghju di lu condottieri Franciscu Ferrucci chi illu 1530 murìsi ghirrèndi pa' galdà Firenze contr'a li suldati di lu 'mperadóri Càrrulu V.

Li stédghi italiani àni l'attrivimèntu (àccia) di Giambattista Perasso dittu Balilla , lu stiddhòni di Genova chi aia inzingàtu li compaesàni a ribiddhàssi contr'a l'oppressóri austriachi. Dugna campàna chi sòna, ammènta li chi sunàani a Palermu lu lùni di Pasca di lu 1282 inzinghèndi li siciliani a ribiddhàssi contr'a li Francèsi.

Strofa 5

«Son giunchi che piegano
le spade vendute:
ah l'aquila d'Austria
le penne ha perdute;
il sangue d'Italia
bevè, col Cosacco
il sangue polacco
ma il cuor le bruciò.»

Li spadi di chissi chi si pònini a silvìziu di l'oppressóri angènu (in chistu casu l'impèru austriacu occuppàa la Lumbaldìa, lu Venetu e lu Trentinu) no àni fòlza e si pigghjani com'e filiàni. L'àcula chi è pintàta ill'istèmma di l'Impèru austriacu pàldi la piùma com'e una ghjaddhina spiumita. L'imperadóri austriacu à angariàtu la Polónia e l'Ittalia cu' l'agghjùtu di lu Zar di la Russia ma lu sàngu di chissi chi sò' stati angariàti si ribédgha contr'a iddhu.

Strofa 6

«Evviva l'Italia,
dal sonno s'è desta,
dell'elmo di Scipio
s'è cinta la testa.
Dov'è la vittoria?!
Le porga la chioma,
ché schiava di Roma
Iddio la creò.»

Viva l'Italia chi s'è sciutàta lu sònnu e s' à pòstu in càpu l'èlmu di Scipioni l'Africànu, lu comandànti romànu chi à vintu Cartagine. Sèmu distinàti a vincì palchì sèmu l'erèdi di Roma antica chi à sèmpri 'intu.